

در سعادته یکی پوسته خانه قارشو سنده
دائرة مخصوصه در
محل اداره:

مرآت القاصد

دین، فلسفه، ادبیات، حقوق و علوم دین باحث هفته لق رساله در

مسلک مزه موافق آثار جدید مع المنزیه قبول اولنور
در ج ایدیلین آثار اعاده اولنور
انظار:

مؤسسلری: ابوالعلا زین العابدین - ح. اشرف ادیب

سنه لکی الق ایلغی

در سعادته	۶۵	۳۵
ولایاتده	۹۰	۵۰
ممالک اجنبیه ده	۱۰۰	۵۵ غروشدر.

تاریخ تأسیسی:

۱۱ تموز ۳۲۴

در سعادته نسخه سی ۵۰ باره در

قیریلده دن مقوا بورو ایله کوندریلیرسه سنوی
۲۰ غروش فضله آلدیر.

در سعادته پوسته ایله کوندریلیرسه ولایات بدلی اخذ اولنور.

عدد: ۹

۳۲۶ رمضان ۲۶ پنجشنبه تشرین اول ۹ ۳۲۴

رجی سنه

حقایق اشیا بی کتم ایتمکدن عبارت اولنجه آنلره خادم اولان مفکره. لرك، دهالریله عالم معرفتده نام بر اقان رجال علمك عقلا و حساً رد وانكار ایدلین محصل اکتشافاتی دینمک احکامی، او حقیقه الحقایق تأیید ایتزده نه یاپار؟ هم نه حاجت؟ قرآن کریم میدانده دکلیدر؟ هپ بزى کشف اسرار خلقتنه، حقایق اشیا بی او کرمکه، آثار قدرت الهی حیوانانه یا قشیر بر نگاه بسیط جاهلانه ایله دکل، بیوک آدمیره لایق بر نظر دقیق حکیمانه ایله تماشا ایتمه سوق ایدوب طور میورمی؟ دینم حقایق فیهیه معارض اولسه جناب حکیم ذوالجلال بو طرز استدلاله نصل مساعده ایدر؟ بناء علیه ارباب فنك ولو بیلیرهك، ولو دینمزی قبول ایتمهك اولسون بوکمی مساعیلری محض فضل واحسان الهی اولهرق قلوبمزه تودیع اولونان خزائن معرفتک قبولرینی آچدینی، کلام الله ایله کلام رسول اللهدن کشف معانیسی الحکمة آنیه معلق اولانلرینی تفسیر ایتدیکی ایچون مشکوردردر. (ان الله عز وجل یؤید هذا الدین باقوام لا خلاق لهم) (ان الله لیؤید الاسلام برجال مام من اهله)

الحاصل عالم مدینتده ایلرویه آتیلان هر خطوه دین اسلامه طوغری، احکام شریعت طوغری بر تقریدر. سلاحه علوم وفنونه ظاهره چقان هر حقیقت مسلمینك، لك عین مشروعیدر. آنی کندی ماللری کبی اخذ و قبول ایدرلر. (الحکمة ضلالة المؤمن اخذها این وجدها) بز ارباب فندن یالکز معلومات جزئیة بشریه بی کافی کوره. رك عوالم ایچنده مکنون اولان حقایقک کانه سنه وقوف ادعاسنده بوانسانلری، دلائل عقلیه وحسیه ایله مرتبه ثبوت وارمش اولان معلوماتک محقق ادعا ایله اکتفا ایتمهك قدرت واذعانک فوقه چیقمق و بیلدیکی شیلر حقنده کی ظن و تخمیننده، صرف عندی اساسلره مستند نظریاتنده حقیقت سوسی و برمک ایستین جرأتکارلری مؤاخذ و حقیقتدن بی خبر اولان هوام نامی علم و معرفت نامنه اضلال ایتملرینی توصیه ایدرلر. بو مؤاخذ و توصیه علوم وفنون صحیحده بزه اشتراك ایدر. زیرا موضوعی تعمیری و کشف حقایق اولان علم وفن زیغ و ضلالی موجب فکرلردن کلیاً تبری ایدر (مالهم به من علم ان یتبعون الا الظن وان الظن لایغنی من الحق شیئاً [۱])

امر نهم

فلسفه حقیقت

— مابعد —

بو بویله اولدینی کبی دکز صوبی ده تبخیر ایدنجه حاوی اولدینی املاحی ترك ایدرک طاتلی، لذیذ اولهرق یره اینر.

[۱] آنلر سوزلرینی تأیید ایچون هیچ برجه استناد ایتزلر آنجق ظنلرینه تبعاً بو سوزلری سوبلرلر حالبوکه ظن بر شیک حقیقتی بیلکه فائده ویرمز.

حرارت هوایه صعودی نسبتنده تنافص ایتدیکی ایچون یوکسک طاغیرک تپه لرنده صیجاق پک آزدر، حتی خط استواءه حرارت ارضیه صوک درجه شدتله حس اولنورکن اوراده قطبلرده کی صوئوق درجه سنه برودت حس اولنمق ده ممکن در، بوده هوایه صعودک بیکلرجه مترو مسافده اولسیه حصوله کلیر. یاغور طاغیرک تپه لرینه دوشونجه اوراده درجه حرارتی - صوبی طوکدیره حق درجه اولان صغردن - دها آشاغی بولدینی ایچون قار اولهرق تراکم ایدر، بیریکر. حتی طاغیرک تپه سنی بر انجی طبقه سی کبی هم بیاض تزیین ایدر. صوکره یاواش یاواش انیمه، چوزولمه یه باشلار. حرارتک دها زیاده بولدینی یرلره ایندکجه اریر، بویوک بویوک سیلر حصوله کلیر کوللری طولدیرر. بولردن ده نهرلره آقار. . . انسانلر، حیوانلر، نباتات تغذی ایدر، فیضلانیر، نشو و نما بولور. . . ایشته دنیانک نهرلری، ایرماقلری بویله وجوده کلیر.

ایمدی قارک ذروء جبلدن انیمسی، چوزولمه سنی استیاج ایدن تدبیری حقیله دوشونوب تعمیق ایتک انسان حیرته، دهشته القا ایدر: اگر قار طاغیرک تپه سنده قالمش اولسه - حرارتک صفر درجه ده بیلره آشاغی بولمه سندن - کونش اریته مزیدی نه اولوردی؟ اولیه اولدینی کبی طاغیرک دینه اینر، هپ بردن اریر، نهرلر، ایرماقلر طغیان ایدر. کویلری، قصبه لری صوباسار. . . هپسی بردن دکره دوکیلور، بوتون سنه نهرلر اولیه جه قالیر. . . قوراقلقدن شکایت اولنور. . . بر چوق انسانلرده هلاک اولور کیدردی. فقط جناب حکیم تعالی [عز وجل] صهاد بیورمدقجه بویله اولیور، واولیه حق. زیرا قار طاغیرک اتکنه غایت بدیع برهندسه مخصوصه یه تبعاً آزار آزار، یاواش یاواش اینر. علما حساب ایتمش: قارک بو چوزولشده کی، انیشده کی سرعت سنویه سی ۱۰۰ متروی کچیور، بو صورتله قارصولری بوشنه آقوب ضایع اولمقدن قور تولیورمش. . . اگر بو تدبیر خرد فرسا اولیه ایدی بز صوسزلقدن هلاک اولوردق. . . ایشته طاغیرک حکمت ایجادی بوتون حقیقیله، کنیه تقدیر اولنه ماز: اگر اونلر اولیه یدی او بویوک، بویوک نهرلری بز نره دن بوله جقدق! . . . اونلر عادتا صولرک مخزنی، صهرنجی کبی اولیور. . . اوصورتله که عقل بوتنسیقک، بوتدیرک سر و حکمتی حقیله احاطه ایده من.

علماء هیئت تقدیر ایتشلر: کونشک هر سنه دکزدن تبخیر ایتدیکی صوبک مقداری ۲۲۱ تریون مترو مکبئی بولیور، بویسه ۳۲۰۰ قاتریون مترو مکبئی تخمین اولنان دکز لرك جمنک ۴۰۰؛ جزئندن بر جزئنه مساوی اولیور. صوکره دیورلرکه: اگر دکز لرك قورومسنی فرض ایلسهک بوتون دنیانک نهرلری اونی ۴۴ بیک سنه ده طولدیره بیلور.

علماء هیئت دیورلرکه: بو تبخیر ایچون مستعمل اولان حرارت شمس ۱۱ ملیار مترو مکبند بولسان بر دمیر کتله کبیره سنی اریتمه یه کافیدر. اولیه کتله که اوروپانک آب طاغیرینک اکثر یسندن ده بویوک کونشدن بزه کلن حرارت پک عظیمدر. . . دیورلرکه: بر مترو مکبده سنوی ۲،۳۱۸،۱۵۷ قالوری حصوله کتیرر. . . یعنی بر هکتارده

یاغور اولماسه نباتاتک قیرلده ، طاعلرده ، وادیلرده نشو و نما بوله مامسندن طولای اوت ایله تغذی ایدن حیواناتک کره ارسندن محو اولوب کتمسی کبی بویوک برتهلکه اجتماعیه واردر . بو حیواناتک انسانک تمیسنده نه درجه مدخلدار اولدقلری ان شاء الله خاندده بیان اولنه جق .
زایل نعمه الله

سلامه قادی

قادینک فطرتنده ارکک ایشلرینه کیریشه بیله جکی کویستر برشی وارمیدر؟

حضرت خالق بوعالم خلقتی اک مکمل برنظام ، اک بدیع بر طرز حکمت اوزرینه یاراعش ، موجوداتدن هر برینه محتاج اولدینی عناصری ، اعضایی تودیع ایتش ، هرعضوده خلقتندن مقصود اولان غایی کندیلکندن آرامق استعدادینی ویرمشر . بالفرض حیواناتک دیشلرینی نظرامعانه آلسق بونلرک آراسنده شکل وترتیب اعتباریله عظیم بر اختلاف کورورز . اوت بین حیواناتک دیشلری یالکزواتی ازه بیله جک صورتده بسیط ایکن اوت ینلرک چکله ری کسکین بر طاقم انیاب ایله ، قواطع ایله ، اضراس ایله تجهیز اولنشدیرکه هیئت مجموعهنسندن بونلرک اتی پارچه لامق چیکنه مک استعدادنده بولندقلری نظر دقتنه قارشى صراحة نمایان اولور .

اشته بو صورتله حیواناتک بدنلرینک هر برجه ازنده ، هر بر جزئنده اونک غدا سنک شکلیله ، ادامه حیات ایچون تعقیب ایده جکی طریق طلبله متناسب خصوصى بر ترتیب ، خصوصى بر استعداد کوریلور .

تاریخ طبیعی اوقویانلر ایچون شومشاهده ، قادینلرک ارکک ایشلریله اوغراشلری ، عادتا کندی حقوق طبیعی لرینه قارشى تعذیه بولنملری ، جانب فطرتدن کندیلرینه رسم اولسان دأره نك خارجه چیمقلری دیک اوله جفنه اک کوزل بر طریق استدلاللر . بناءً علیه قادینلری بو طریق تعذیه اجبار ایتک شوقاتی یورکلی ارکک طرفندن اونارین ، اونازنین رفیقه حیانه روا کوریلن اسارتک اک جلی برنوعه سی ، کذلک غایت خطرناک اولان حیات خارجه میدانلرنده او ییچاره یه قارشى هیچ اثر شفقت و مرحت کویسترمکسزین ایدیلن مهاجراتک اک بویوک بر نشانه سیدر .

فطرة قادینده بولسان هرشی اونک ارککک بولندیغی عالمدن بشقه برعالمده یاشامسی لازم کله جکی کویستریور . یوقسه استاد کیوم فره رک دیدیکی کبی اوزملن ارکک ایله قادین آراسنده اوچنجی برجنس اولورکه بونک خواص ممیزه سی ده آناری هر دم وجهنده نمایان اولان برکدردن ، حزین بر تفکر دن عبارتدر .

احتیاساتی جهتمدن نظرامعانه آلدینی صورتده قادین تمثال شفقت ، انموذج رفق ورقت اوله رق تجلی ایدر . تمایلاتی نقطه نظرندن

— که ۱۰ بیک مترو تربیی در — ۲۳ ملیار قالوریدن فضله طوتیور . صوبخارینک هواده دوراننده باشقه بر حکمت دها واردرکه بوده یاغورک اهمیتندن آز دکلدیر : بودوران باضروره کونشدن بزه کان حرارتی — که بو حرارت اولماسه سطح ارضده بر مخلوق موجود بولنه مازدی — حفظ ووقایه ایدر . بوناصل اولور ؟ چونکه ذرات هوانک حرارتی حفظده خاصیتی پک آزدر . فقط بخارمادن بر ذره بو حفظ وصیانتده بر ذره هواندن ۱۶ بیک دفعه دها قوتلیدر . اگر صوب بخاری اولیه بدی بز حرارتی بوله مازدق ، بزه واصل اولدن ضایع اولوب کیدردی . . ایدی بخار ماء ذراتندن هر ذره عدالتکار بر موزع حرارتدر ، لزومی مقدار حرارت ویررکه بوتون بونلرک یکونی ، هیئت مجموعهی حرارت جویده بی تشکیل ایدر .

یاغورک فوایدی یوقاییده سوبیلین شیلردن عبارت دکلدیر : یاغور او قوجه ، قوجه دکزلری طوزلی ، آجی برحاله ایصال ایدن برعامل مهمدر . . بوسایده بز دکزلرک تعفن ایتسی کبی عظیم برغائله حیاتیه دن مصونز . . زیرا یاغورک سیلری ، نهرلری بیکلرجه سنه در طاعلر ، وادیلر آراسندن بکرن چوق ، پک چوق مقدارده طوز آلوب کوتوریورکه بومهم خدمت بویله جه دکزک طوزیلینی بوکون کوردیکمز درجه یه کلهجه یه قدر دوام ایتش .

یاغور طاعلرک تپهلرندن دیلرینه ، اتکلرینه اینرکن طاعدن آزار ، آزار بعض موادى ده آوب کتیر : نباتاتی تربیه ، تغذیه پک نافع بعض مواد عضویه ، معدنیه طاقیلوب کلیرکه بونلر عادتاً نباتاتی احیا ایدر . بوکا (طمی) دینور . وقتاکه نهرلر فیضان ایدر . . اطرافنده کی اراضیه بومواد حیاتیه یی توزیع ایدر . . چققیلر زراعت ایدر . . مزروعات بومواد مهمه یی ، بونافع کوبره یی بولور . . نشو ونماسی آرتار ، فیضانلر ، انسانلر ، حیوانلر تغذی ایدر ، بسلنیر .

یاغورک بر فائده مهمه سی دها وار : یاغور هوایی عادتاً ییقار ، نه قدر پسلاک ، کیر وارسه نمیزلر . . نه قدر مضر ، زهرلی مقروبیلر وارسه هیسنى اولدیرر ، محو ایدر .

یاغورک نهر ، ایرماق بولنمایان یرلرده کی منافع وحسناتی ایسه پک بویوکدر : اوله یرلرده مزروعاتک ، اکینلرک نشو ونماسی یالکز یاغورله حاصل اولور . . یوقسه قوراقلقدن محو اولوب کیدر . . حیات اجتماعیه نك پک بهم حوایجی ، متلا اغاجندن کراسته کسوب بنایاق ، کی اعمال ایتک ، شدت برودتن کندیغی محافظه ایچون اودون کومور وجوده کتیرمک کبی لوازم مهمه یی احضار ایدن اورمانلرده فیض حیاتی ، نصیب نمای یاغوردن آلیر . . یاغور اولماسه او جسم اورمانلر عالم انسانیتک بوسورتله خیرینه ، سعادتنه بلکه بقای حیاته نه صورتله خدمت ایده بیلیدی . . ؟

یاغورک بر بویوک نفی ، فائده سی ده : یره ، طوپراغه نزولیه توزی ایصاله رق هواده اوچسنى منع ایدرکه بوندن توزک هواده اوچوب اوستمزی ، باشمیزی تلویث ایتسندن قطع نظر جکرلریزه قدر نفوذ ایله ایراث ایده جکی مضرتر پک میدانده در .